

Pineqartoq: Aningaasanut tunngasunik isumaqatigiissutit.

Imarisai:

- A. Aallarniutitit oqaaseqaatit imm. 1 - 7
- B. Isumaqatigiissutit pineqartut imm. 8 - 14
- C. Isumaqatigiissutit pineqanngitsut imm. 15 - 21
- D. Iluanaarutininik annaasanillu naatsorsuisarneq imm. 22 - 25
- E. Ilanngaateqarsinnaanerup killiliivigineqarneranut maleruagassat imm. 26 - 27
- F. Aalajangersakkat atuutilersitsisuusut ikaarsaarutaasullu imm. 28 - 31

A. Aallarniutitit oqaaseqaatit.

1. Aningaasarsianit akileraarutit pillugit Inatsisartut inatsisaata allannguutissaatut Inatsisartut inatsisaanni nr. 21, 30. oktober 1992-imeersumi § 1, nr. 2-mi immikkut ittunik maleruagassi-ortoqarpoq aningaasanut tunngasunik isumaqatigiissutitigut iluanaarutit annaasallu akileraarutitigut suliarineqartarnissaat pillugu (§ 14A). Maleruagassat aningaasanut tunngasunik isumaqatigiissutinut ullormi 14. oktober 1992-imi kingusinnerusukkulluunniit isumaqatigiissutaasunut atuupput, takuuk immikkoortoq F. Maleruagassat nutaat atuutilersinnerisigut annaasanik ilanngaateqarsinnaaneq killiliivigineqarpoq, tamatumalu kingunerisaanik annaasat ukiumi aningaasarsiorfimmi tassanerpiaq iluanaarutisianit ilanngaatigineqarsinnaapput, ilanngaatisallu peereerlugit annaasat taamaallaat ukiuni tulliuuttuni tallimani ilanngaatissat peereerlugit iluanaarutinit ilanngaatigineqarsinnaanngorlugit nuunneqarsinnaallutik. Tassa imaappoq annaasat aningaasarsianit akileraaruteqaataasussanit allanit ilanngaatigineqarsinnaanngillat, takuuk ataani immikkoortoq E. Isumaqatigiissutinulli ulloq 14. oktober 1992 sioqqullugu isumaqatigiissutaasimasunut maleruagassat "nutaanngitsut" atuutiinnassapput.

2. Maleruagassat maannamut atuuttut naapertorlugit pisuni ataasiakkaani isummerfigineqartariaqartarsimavoq aningaasanut tunngasunik isumaqatigiissutit ataasiakkaat, aningaasarsianit akileraarutit pillugit Inatsisartut inatsisaanni aalajangersagaq sorleq naapertorlugu akileraaruserneqartassanersoq. Maleruagassat maannamut atuuttut atulersinneqarsimapput aningaasanut tunngasunik isumaqatigiissutit nalinginnaanngikkallarmata aammalu isumaqatigiissutit immikkoorutaat naapertorlugit naleqqussagaasimanatik. Akileraarusiisarneq amerlanertigut pisarsimavoq § 24, imm. 1, nr. 2-mi iluanaarniarnermut aalajangersakkami periarfissaq, § 13, imm. 1-imik ilalerlugu, atorneqartarsimalluni. Pisullu sinnerini akileraarusiineq taamaallaat pisarsimavoq § 13, imm. 1-imi periarfissaq atorlugu, tassa taqamueriarluni iluanaarniarnertut isiginnittoqartillugu.

3. § 14A-mi maleruagassat aningaasanut tunngasunik isumaqatigiissutinik pilersitsisunut pissarsisunullu atuupput. Pineqartut tassaassapput isumaqatigiissutit, tassami neqeroortaannaat akuerseqataaffigineqanngitsut ilatinneqanngimmata. Isumaqatigiissut oqaasiinnartigut allaganngorluguluunniit pisinnaavoq.

4. Aningaasanut tunngasunik isumaqatigiissutit assigiinngissutaat tassaavoq piffissap isumaqatigiissuteqarfiusup piffissallu isumannaarinniffiusup (soorlu piffissap tunniussiffiusup) akornanni piffissaq nikingasuummat.

Pigisaq imaluunniit akiitsut (pigisaq isumaqatigiissutaasoq) aningaasanut tunngasunik isuma-

qatigiissummi pineqartoq tigussaasuusinnaavoq tigussaangitsuusinnaalluniluunniit. Pigisat tigussaasut tassasinnaapput pappiaqqat aningaasanik nalillit, nunat allat aningaasaat, aatsitasat assigisaallu. Pigisatq tigussaangitsoq tassaasinnaavoq aktiat allattorsimaffiat erniaalluunniit.

Aningaasanut tunngasunik isumaqatigiissummik isumannaarinninneq pisinnaavoq pigisap isumaqatigiissutaasup tunniunneratigut imaluunniit nikingassummik akiliisoqarneratigut, tassa pigisatq isumaqatigiissutaasup piffissami isumannaariffiusumi imaluunniit piffissap isumaqatigiissutaasimasup qaangiuffiani nalinginnaasumik niuernermi akiata isumaqatigiissummilu akiata isumaqatigiissutaareersup assigiinngissutaannik. Pigisatq isumaqatigiissutaasooq tigussaangitsuuppat nikingasumik akiliisoqartuaannassaaq, tassami pigisatq tigussaangitsoq ersitsuunngimmat tunniunneqarsinnaangitsoq.

5. Annaasanik ilanngaateqarsinnaanerup killiliivigineqarnera tunngaviatigut akileraartussaati-taasunut tamanut aammalu aningaasanut tunngasunik isumaqatigiissutinut tamanut atuuppoq, taamaattorli takuuk ataani immikkoortoq C.

6. Aningaasanut tunngasunik isumaqatigiissutitigut iluanaarutit annaasallu naatsorsorneqar-tassapput pisiarinerani akiata aammalu piffissami isumannaariffiusumi tuninerani akiata assigiinngissutaattut, aammalu immikkoortillugit naatsorsuineq, tassa pigisatq isumaqatigiissutaasooq pillugu akileraartarnermi maleruagassat atuuttut apeqqtuaatinnagit, tunngavi-galugu akileraarusersuisoqartassalluni, takuuk imm. 22.

7. Pissutsit immikkut ittut atuutsillugit Naalakkersuisut, Naalakkersuisulluunniit taamaa-liornissamut piginnaatitaasa akuersissutigisinnaavaat isumaqatigiissutit pineqaraluartut Inatsisartut inatsisaanni maleruagassat nalinginnaasumik atuuttut naapertorlugit akileraaru-serneqartarnissaat.

B. Isumaqatigiissutit pineqartut.

8. Aningaasanut tunngasunik isumaqatigiissutit pineqarnerupput piffissanut aalajangersi-masunut isumaqatigiissutit, akiitsunik aningaasanilluunniit pisassanik taartigeeqatigiinnerit (swaps), nunat allat aningaasaannik, obligationinik, saffiugassanik, aatsitassanik il.il. pisi-sinnaanermut nioqquteqarsinnaanermullu pisinnaatitaaffiit (optioner) kiisalu pigisat tigus-saangitsutut taaneqartartut, soorlu aktiat allattorsimaffii. Aammattaaq ilaatinneqarput isumaqatigiissutinik assigiinngitsunik ataatsimoortitsinerit.

9. Piffissamut aalajagersimasumut isumaqatigiissut (siumut piffissalereerlugu isumaqati-giissut) tassaavoq pigisamik imaluunniit akiitsunik akia siumut aalajangereerlugu tunnius-sinissamik isumaqatigiissut, tassa isumannaarinissaq pissalluni piffissap isumaqatigiissute-qarfiusup kingornatigut. Nalinginnaasumik pisinerit tunisinerillu, soorlu obligationinik, pif-fissap isumaqatigiissuteqarfiusup kingornatigut isumannaarneqaraluarlutik, pineqartunik isumannaarisarnissanut piffissarititaasup iluani isumannaarneqartut piffissamut aalajanger-simasumut isumaqatigiissutit isigineqanngillat, nalinginnaasumilli niuernertut § 14A-mi pineqanngitsutut isigineqarlutik.

Piffissamut aalajagersimasumut isumaqatigiissuteqarnermi pilersitsisoq pissarsisorlu pisussaapput pigisamik akiitsunilluunniit annertussusai aalajangeriikkanik, ullormi siumut isumaqatigiissutaasumi akigitinniagaq atorlugu tunisaqarnissamut pisinissamullu. Ulloq isumannaarinniffissaq amerlanertigut aalajagersimasuusarpoq, aammali arlaannik pisoqar-tillugu pisinnaalluni, naak pisussap suulluunniit qaqugu pinissaa ilisimaneqarsinnaangikka-luartoq. Taamatuttaaq akigitinniakkap annertussusissavia isumaqatigiissuteqarnermi aalaja-ngersarneqarsinnaavoq, aammali tunisinissami akigitissamaakkap nikippallaannginnissaa siunertaralugu assersuutigalugu naatsorsuinissamut tunngaviususaaq aammalu/imaluunniit

naatsorsueriaaseq pillugu erseqqissumik maleruagassanik aalajangersaasoqasimappat taman-na isumaqatigiissutaareersutut isigineqarsinnaalluni.

Futures tassaapput piffissamut aalajangersimasumut isumaqatigiissutit immikkut ittut, aammalu soorlu akiliinissap sivilisussusia, aningaasat annertussusiat aammalu pigisat isumaqatigiissutaasutaasut pillugit assigiissaagaasut.

Piffissamut aalajangersimasumut isumaqatigiissuteqartoqartillugu pilersitsisoq pissarsisorlu naligiimmik akisussaaqatigiittarput, tassami pissarsisup iluanaarutaasa annertoqataannik pilersitsisoq annaasaqartarmat, isumaqatigiissusiortitaasimasunut akiliutaasimasinnaasut eqqaassanngikkaanni.

10. Swap-imik isumaqatigiissut tassaavoq nalinginnaasumik illua'tungeriit marluusut akornanni ullormi isumaqatigiissuteqarfiusumi pinngitsooratik taartigeeqatigiinnissamik pisussaaffeqalernerat, soorlu assersuutigalugu atukkanut imaluunniit pisassarisanut marluusunut (piviusuusunut piviusuunngitsunulluunniit) ernianik taarsersugassanillu akiliutis-sanik taartigeeqatigiinnikkut. Assersuutigalugu ernianut tunngasumik taartigeeqatigiinnerup kingunerisinnaavaa illua'tungeriit marluusut akornanni atukkanut ernianik, aappaa aalajangersimasumik aappaalu allanngorartumik ernialersorneqartunut akiliisarnissamik taartigeeqatigiinneq.

11. Pisisinnaaneq (pisinissamut piginnaatitaaffik) tassaavoq pisisinnaanermik piginnittup (pissarsisup) pigisamik akiitsumilluunniit aalajangersimasumik akia siumut aalajangeriikkamik, ullormi aalajangersimasumi imaluunniit piffissami aalajangersimasumi pisussaaffiginngikkaluarlugu pisisinnaaneranik isumaqatigiissut. Isumaqatigiissuteqarnermi illua'tungerisaq (pilersitsisoq) pisussaavoq pisisinnaaneq atorneqarpat tunisinissaminut.

12. Tunisisinnaaneq (tunisinissamut piginnaatitaaffik) tassaavoq tunisisinnaanermik piginnittup (pissarsisup) pigisamik akiitsumilluunniit aalajangersimasumik akia siumut aalajangeriikkamik, ullormi aalajangersimasumi imaluunniit piffissami aalajangersimasumi pisussaaffiginngikkaluarlugu tunisisinnaaneranik isumaqatigiissut. Tunisisinnaanermik pilersitsisoq pisussaavoq tunisisinnaaneq atorneqarpat pisinissaminut.

13. Tunisisinnaanermut pisisinnaanermullu piginnaatitaaffiit ataatsimut taaguutigaat optioner. Ulloq piginnaatitaaffiup atorunnaarfissaa tassaavoq ulloq isumaqatigiissummik inaarinniffiusoq imaluunniit atorneqanngivilluni qaangiuffia. Piginnaatitaaffimmik pissarsisoq qanigassaqaarnissamut periarfissaqarpoq, pilersitsisorli piviusunngortitsisoqassagaluarpat pisussaaffeqarluni. Piginnaatitaaffimmik pissarsisoq pilersitsisumut akiliteqassaaq (optionspremie) pigisamut isumaqatigiissutaasumut pisinissamut tunisinissamulluunniit piginnaatitaanermut akiliutitut. Annaasaqartoqassatillugu pissarsisup annaasassatuaraa akiliutini, iluanaaruteqarsinnaaneralu killeqanngitsutut oqaatigineqarsinnaalluni. Tamatuma paarlattuanik pilersitsisup iluanaaruteqassaguni iluanaarutissatuaraa akiliut tigusiamsani, annaasarisinnaasaalu killeqanngitsutut oqaatigineqarsinnaallutik. Tassa imaappoq piginnaatitaaffinnik pilersitsisup pissarsisullu akisussaassuseqarnerat assigiinngilaq, uffa tamanna piffissanut aalajangersimasunut isumaqatigiissutini naligiissoq.

Piginnaatitaaffinnut akiliteqartoqartarnera nalinginnaavoq, tamannali § 14A-mi ilaatinneqar-nissaanut aalajangiisuunngilaq.

Ulloq isumannaarinniffissaq amerlanertigut aalajangersimasuusarpoq, aammali arlaannik pisoqartillugu pisinnaalluni, naak pisussap suulluunniit qaqugu pinissaa ilisimaneqarsinnaanngikkaluartoq. Taamatuttaaq akigitinniakkap annertussusissavia isumaqatigiissuteqarnermi aalajangersarneqarsinnaavoq, aammali tunisinissami akigitissamaakkap nikippallaannginnissaa siunertaralugu assersuutigalugu naatsorsuinissamut tunngaviususaaq aamma-lu/imaluunniit naatsorsueriaaseq pillugu erseqqissumik maleruagassanik aalajangersaasoqar-

simappat tamanna isumaqtigiissutaareersutut isigineqarsinnaalluni.

§ 14A-missaaq pineqarput aktianik pisisinnaanermut piginnaatitaaffiit, aktiaseqqissinnatitaanerilli toqqaannartumik taallugit immikkortinneqarput, takuuk ataani imm. 16. aktianik il.il. pisisinnaanerup aammalu aktiaseqqissinnaatitaanerup assigiinngissutiginerpaasaat tassaavoq aktiaseqqissinnaanerup atorneqarneratigut aktianik nutaanik pilersitsisoqartarmat. Tamatumi akerlianik pisisinnaatitaanerit atorneqaraangata aktiatigut aningaasaatit amerlisinneqarneq ajorput, tassami aktiat il.il. Pioreersut taamaasiornikkut tunineqartarmata.

14. Aningaasanut tunngasunik isumaqtigiissutit aammattaq puljeordningini (ataatsimoorussani) ilaatinneqarsinnaapput. Puljeordningit ilaatigut tassaasinnaapput aningaasaliissuteqartut arlalissuit ataatsimoorussaannik nunat allamiut aningaasaannik imaluunniit pigisanik nalilinnik allanik, ilaatigut aningaasanut tunngasunik isumaqtigiissutini atorneqartussanik, aningaaseriviup isumaginninnera. Iluanaarutit annaasallu aningaasanut tunngasunik isumaqtigiissutinut tunngassutillit § 14A-mi ilaatinneqarput, nalinginnaasumilli niuernermi iluanaarutit annaasallu, pujleordningini (ataatsimoorussanit) ilaasimasinnaasut, tassani ilaatinneqanngillat. Tassa aaqqissuussinerit taamaattut taaguutaat pinnatik, isumaqtigiissutilli ataasiakkaat imarisaat aalajangiisuupput aningaasanut tunngasunik isumaqtigiissutit pillugit immikkut maleruagassanut ilaatinneqarnerisut.

Aningaasanut tunngasunik isumaqtigiissutit assigiinngitsut maannakkut atorneqartut allanngorartorujussuarnik ataatsimoortinneqarsinnaanerisa kingunerisaannik, aammalu isumaqtigiissutit tamakku sukkasoorujussuarmik allanngoriartortuummata isumaqtigiissutit nalinginnaanerpaat pillugit qulaani nassuiaanerup tamakkiisuunissaa naatsorsuutigineqarsinnaanngilaq. Taamaattumik nalornissuteqartoqartillugu isumaqtigiissutit ataasiakkaat § 14A-mi pineqarnerisut sukumiisumik tunngaveqarluni naliliinissaq pisariaqarpoq.

C. Isumaqtigiissutit pineqanngitsut.

15. § 14A, imm. 2-mi isumaqtigiissutit assigiinngitsut arlalissuit assigiinngitsunik pissuteqarluni imm. 1-mi maleruagassami ilaatinneqanngitsut allattorsimapput. Aammattaq inuusutissarsiornermut imaluunniit namminersorluni inuusutissarsiummik ingerlatsinermut atatilugut isumaqtigiissutit ilaatinneqanngillat, takuuk imm. 3. Isumaqtigiissutitigut ilaatinneqanngitsutigut iluanaarutit annaasallu akileraartarnermut inatsisini maleruagassat nalinginnaasut naapertorlugit suliarineqartassapput.

16. Aktianik il.il. **Pissarsinissamut piginnaatitaaffiit** ilaatinneqanngillat, takuuk imm. 2, nr. 1, tassalu akileraartarnermut inatsimmi maleruagassat nalinginnaasumik atuuttut naapertorlugit akileraaruserneqartarnerat atuutiinnarluni. **Pissarsinissamut piginnaatitaaffik** tassaavoq piginnaatitaaffik piginneqatigiiffimmit pilersinneqarsimasoq pissarsisumillu periarfissiisoq pginneqatigiiffimmi aktianik amerlisitsinikkut nutaanik obligationinilluunniit allamut nuunneqarsinnaasunik piseqqinnissamut. Pissarsinissamut piginnaatitaanerup atorneqarneratigut aningaasaatit amerlisinneqartarput, pisisinnaanerulli atorneqarneratigut aktiat il.il. Pioreersut tunineqartarput, takuuk qulaani imm. 13. Ilaatinneqanngitsut ilagaat warrants-inik taaneqartartut piunasaqaatinillu qulaani taaneqartunik naammassinnittut. Taaguulli warrants aamma pisisinnaanernut (covered warrants) atorneqartarpoq, taamaattoqartillugulu warrenti aningaasanut tunngasunik isumaqtigiissutit pillugit maleruagassani ilaatinneqassaaq.

17. Aammattaq ilaatinneqanngillat **pigisaq aalaakkaasoq pillugu isumaqtigiissutit**, takuuk imm. 2, nr. 2, tamatumani pineqarput pigisamik aalaakkaasumik tunisaqarnermi uppersaaitit allagartat piffissamut aalajangersimasumut isumaqtigiissutit isigineqarsinnaagaluartut, tassami ulloq tigusiffissaq ullorlu isumaqtigiissuteqarfiusoq (uppersaaitit allagartap ullua) nalinginnaasumik nikingagajuttarmata.

18. Ilaatinneqanngillattaaq realkreditimit realkreditimulluunniit assingusumit attartornermut atukkanilluunniit tamakkerlugit taarsiinermut atatillugu aningaasat nalinginik allanngutsaaliiniarluni obligationinik piffissamut aalajangersimasumut imaluunniit siumut isumaqatigiissutigereerlugu tunisinerit pisinerillu, takuuk imm. 2, nr. 3. Aningaasat nalingi pillugit isumaqatigiissutit realkreditimit realkreditimullu assingusumit attartornermut aammalu atukkat tamakkerlugit taakkununga taarsiinernut atatillugu atorneqartarput. Taamaattumik tamakku-nunga piffissarititaasut nalinginnaasut iluanni pisinerit tunisinerillu § 14A-mi maleruagas-sami ilaatinneqanngillat.

19. Aamma ilaatinneqanngillat obligationinut, qularnaveeqqusiinermut uppersaatinut, akiitsoqarnermut uppersaatinut aammalu aningaasanut pisassarisanut allanut tunngatillugu **uppersaaitit allanik taarsersinnaanerinut piginnaatitaaffiit**, takuuk imm. 2, nr. 4. Obligationit qularnaveeqqutitullu uppersaaitit allanik taarserneqarsinnaasuupput, tassa imaappoq anigaasanik attartortup atukkani nalissavii atorlugit tamakkiisumik taarsiisinnaluni. Naak pisassarisamik pineqartumik pisisinnaanertut isigineqartariaqaraluartoq, taamaattoq ilaatigut pissusiviusut tunngavigalugit naleqqunnerpaasorineqarpoq allanngortitsisinnanermut piginnaatitaaffiit taamaattut immikkut akileraaruserneqartanninnissaat, kisiannili obligationit imaluunniit qularnaveeqqutitup uppersaaitit ilamittut akileraaruserneqartannissaat.

20. Isumaqatigiissutit **inuussutissarsiornermut atatillugu** isumaqatigiissutaasimasut imm. 3 naapertorlugu ilaatinneqanngillat. Tamatumani inuussutissarsiuteqartut pingaartumik tassaapput aningaaseriviit aammalu aningaasaliinermik suliaqartut allat. Inuussutissarsiornermut atatillugu isumaqatigiissutinut ilaatinneqarputtaaq isumaqatigiissutit nioqqutissanut, sullissinernut il.il. (akiliisitsinertalimmik inuussutissarsiorneq) akiliutitit tiguneqarsimasut akileraaruteqaataasussat.

21. Aammataaq imm. 3 naapertorlugu ilaatinneqanngillat isumaqatigiissutit **inuussutissarsiutigalugu ingerlatsinermut atatillugu** isumaqatigiissutaasimasut. Inuussutissarsiutigalugu ingerlatsinermik oqarnermi pingaartumik pineqarput piginneqatigiiffiit namminersorlutillu inuussutissarsiummik ingerlataqartut aningaasanik pisassaminnik nunallu allat aningaasaanut akiitsuminnik qulakkeriniartut kiisalu ingerlatamut tunngatillugu nioqqutissanik pilersuinnissamik sullissinissanillu isumaqatigiissutit nalinginnaasut. Aningaasanik atoriaannarnik inissiinerinnaapput imaluunniit isumaqatigiissutit inuussutissarsiutigalugu ingerlatsinermut allatigut attuumassuteqanngippata isumaqatigiissutit inuussutissarsiutigalugu ingerlatsinermut atatillugu isumaqatigiissutaasimasutut isigineqassanngillat, taamaattumillu aalajangersakkami ilaatinneqanngitsutut isigineqassanatik. Aningaasanut tunngasunik isumaqatigiissutit ataasiakkaat inuussutissarsiutigalugu ingerlatsinermut attuumassuteqarnerinik aalajangiinis-saq pissutsinik ataatsimut naliliinikkut pisassaaq.

Isumaqatigiissutit ingerlatsivimmi inuussutissarsiornermut atatillugu aningaasanik nuussuinnikkut annaaneqarsinnaasut appartinneqarnissaannik siunertaqanngitsut, taamaallaalli aningaasanik nuussinerup immikkoortinneqarluni ingerlatsivimmut iluanaarutaanissaa naatsorsuutigalugu isumaqatigiissutigeqarsimappat tamanna inuussutissarsiutigalugu ingerlatsinermut atatillugu isumaqatigiissutaasimasutut isigineqarsinnaanngilaq.

D. Iluanaarutininik annaasanillu naatsorsuisarnissat.

22. Aningaasanut tunngasunik isumaqatigiissutitigut § 14A-mi pineqartutitigut iluanaarutit annaasallu **immikkoortillugit naatsosueriaaseq** atorlugu naatsorsorneqassapput, tassa pigisap isumaqatigiissummi pineqartuq pillugu akileraarnermi maleruagassat atuuttut apeqputaatinngit iluanaarutit annaasalluunniit naatsorsorneqartassallutik. Taamaattumik pigisap isumaqatigiissummi pineqartup akileraarutitigut inernera apeqputaatinngit iluanaarutit annaasallu naatsorsorneqartassapput. Immikkoortitsilluni naatsorseriaatsip kingunerisaanik

aningaasanut tunngasunik isumaqatigiisutitigut iluanaarutit annaasalluunniit ataasiakkaat immikkoortillugit akileraarutitigut naatsorsorneqartassapput, apeqqutaatinnagu isumaqatigiissut tunniunneqarnermigut isumannaarneqarsimanersoq. Pigisaq isumaqatigiissummi pineqartog tunniunneqarpat isumaqatigiissutip inernera ullormi tunnissivimmi (isumannaarffimmi) naatsorsorneqassaaq, pigisarlu tunniunneqartog ullormi isumannaariffimmi pisiarineqartutut tunineqartutulluunniit aammalu ullormi isumannaariffimmi nalinginnaasumik niuernermi akiusoq atorlugu pisiasimasutut tunineqarsimasutulluunniit isigineqassaaq.

23. Iluanaarutit annaasalluunniit imm. 1-imi pineqartut § 14A, imm. 4 naapertorlugu naatsorsorneqassapput **piviusunnngortitsinermi naatsorsueriaaseq tunngavigalugu**, tassa tunisinermi akigititap pisiarineranilu akigititap assigiinnngissutaattut.

Isumaqatigiissut piviusunnngortinneqartutut (tunineqarpat, atorneqarpat imaluunniit atorneqanngitsoorluni qaangiuppat) isigineqassaaq ullormi isumaqatigiissut naapertorlugu qaangiuffissaatut aalajangerneqarsimasumi imaluunniit ullormi isumannaarffiusumi (ullormi piviusunnngortitsivimmi). Apeqqutaanngilaq qaqugukkut akiliisoqarsimanagera. Assersuutigalugu inuk akileraartussaataasoq 1. november 1992-imi aningaasanut tunngasunik isumaqatigiissummik atsiugaqarpat, ullorlu isumannaarffissaq tassaappat 1. februar 1993, taava isumaqatigiissutikkut tassuunakkut iluanaarutit annaasalluunniit 1993-imi ilaatinneqartussaapput.

Aningaasanut tunngasunik isumaqatigiissut, isumaqatigiissut malillugu piffissap qaangiuffissaa nallertinnagu tunineqarpat piffissami tunisiffimmi iluanaarutit annaasalluunniit naatsorsorneqassapput.

Futuresinut (piffissamut aalajangersimasumut isumaqatigiissutinut), Garantifonden for Danske Optioner og Futuresimit Københavns Fondsbørsimi tunineqartunut tunngatillugu allaassuteqarpoq, tassa taakku tunniussinikkut isumannaarneqarsinnaanngimmata, aammalu illua'tungeriit ataasiakkaat piginnaatitaaffiisa pisussaaffiisalu nalingi naapertorlugit ingerlaavartumik aningaasanngorlugit akiliisoqartarmat. Taamaaliornikkummi isumaqatigiissut ingerlaavartumik nalilersonreqartarpoq, tassa iluanaarutitaqarsinnaalluni annaasaqaataasinnaallunuunniit, nalingalu soorunami tassaasarpog piffissami pineqartumi iluanaarutaasimasog annaasaasimasulluunniit. Iluanaarutit annaasalluunniit akileraarutitigut naatsorsorneqarnissaat eqqarsaatigalugu futuresit aatsaat piviusunnngortivinneqarsimasutut isigineqassapput ullormi qaangiuffissaatut aalajangerneqarsimasumi imaluunniit piffissami tunisiffiusumi, taamaattumillu iluanaarutit annaasalluunniit piffissami tassani aatsaat naatsorsorneqassallutik.

24. Akileraartussaataanerup aallartinnerani kipineraniluunniit aningaasanut tunngasunik isumaqatigiissutit nalingi aalajangerneqartassapput nalinginnaasumik niuernermi nalingannut (nioqquteqarfinni nalingat).

Akileraartussaataanerup aallartinnerani aningaasanut tunngasunik isumaqatigiissutit ataasiakkaat pisiarineqarneranni nalingattut angissusiliounneqartassaaq piffissami tassani nalinginnaasumik nalingat. Piffissaq isumaqatigiissutit ataasiakkaat pisiarineqarfiat tassaatinneqassaaq piffissaq akileraartussaataanerup aallartiffia. Inatsit atuuppoq aningaasanut tunngasunik isumaqatigiissutinut ullormi 14. oktober 1992-imi kingusinnerusumiluunniit pisiarineqarsimasunut. Aningaasanut tunngasunut isumaqatigiissut ulloq 14. oktober 1992 sioqqullugu pisiarineqarsimatillugu aammalu akileraartussaataaneq ullormi 14. oktober 1992-imi kingusinnerusumiluunniit aallartissimatillugu isumaqatigiissut ullormi 14. oktober 1992-imi imaluunniit piffissami akileraartussaanerup aallartiffiani pisiarineqarsimasutut isigineqassaaq, isumaqatigiissullu taamaalilluni aalajangersakkani pineqartunut ilaatinneqassalluni.

Akileraartussaataanerup kipinerani aningaasanut tunngasunik isumaqatigiissutit tunine-

qartutut isigineqassapput, tunisinermilu akigitinneqartoq tassaassaaq aningaasanut tunngasunik isumaqatigiissutit piffissami tassani nalinginnaasumik nalingat.

Aningaasanut tunngasunik isumaqatigiissutit aningaasanik niuerfinni nalunaarsugaasinnaapput, pigisarlu isumaqatigiissummi pineqartoq aningaasanik niuerfinni nalunaarsugaagajuppoq. Aningaasanik niuerfinni nalunaarsorneqarsimasumik naleqarpat nalinginnaasumik niuernermi nalinga tassaassaaq aningaasanik niuerfimmi nalunarsonreqarsimasoq kingullerpaq.

Isumaqatigiissut aningaasanik niuerfimmi nalunaarsugaasimanngippat akileraarusiinermi oqartussaasut taassuma nalinginnaasumik niuernermi nalinga missingersuussinermikkut angissusilissavaat.

25. Iluanaarutit annaasalluunniit naatsorsorneqassapput isumaqatigiissutit pisiarinerani akiata (optioniuppata akiliutaasimasup) aammalu tuisinermi akiata (piviusunngortitsinermi nalingata) assigiinngissutaattut.

Aningaasanut tunngasunik isumaqatigiissteqarnermi niuernermut aningaasartuutit nalinginnaasut, soorlu Garantifonden for Danske Optioner og Futures-imut akiliutit kiisalu pappiaqanik nalilinnik niuernermi aningaasartuutit isumaqatigiissutit pineqartup pisiarinerani akianut tunineranullu akianut ilanngunneqartassapput.

Piffissamut aalajangersimasumut isumaqatigiissutinut tunngatillugu piviusunngortitsinermi nalingat tassaassaaq ullormi isumannaariffiusumi nalingat. Pigisaaq tunniunneqassatinnagu pigisap isumaqatigiissummi pineqartup nalinginnaasumik niuernermi akiata isumaqatigiissummilu akiata isumaqatigiissutigineqarsimasup assigiinngissutaat isumannaarneqartassaaq iluanaarutit annaasalluunniit akilerneqarnerisigut. Pigisaaq isumaqatigiissummi pineqartoq tunniunneqarpat isumaqatigiissutit inerneru ullormi tunniussivimmi (ullormi isumannaariffimmi) naatsorsorneqassaaq, pigisarlu tunniunneqartoq ullormi isumannaariffiusumi, aammalu ullormi isumannaariffiusumi nalinginnaasumik niuernermi nalinga atorlugu, pisiarineqarsimasutut tunineqarsimasutulluunniit isigineqassaaq.

Assersuut:

1. december 1992-imi akileraartussaataasooq piffissamut aalajangersimasumut isumaqatigiissuteqarpoq nunat allat aningaasaannik pisinissaminik, assersuutigalugu 10.000 USD, taakkulu 1. marts 1993-imi tunniunneqassapput DEM-inik akilersillugit. Isumaqatigiissut naapertorlugu USD-it DEM-imut sanilliullugit nalingat tassaavoq 100 USD-it akeqassamata 153 DEM-inik. Ullormi isumannaariffiusumi 100 USD-it akeqarput 156 DEM-inik, iluanaarullu imatut naatsorsorneqassalluni:

$$10.000 \times (156-153) \text{ DEM}/100 = \text{DEM } 300$$

Iluanaarut danskit aningaasaat atorlugit akilerneqassapput, 100 DEM-illu assersuutigalugu 385 DKK--inik akeqarpat iluanaarut 1.555 koruuniussaaq.

Pisisinnaanermut tunisisinnaanermullu piginnaatitaaffinnut (optioninut) tunngatillugu taakku piviusunngortinneranni nalingat tassaassaaq isumaqatigiissut tunineqarpat tunisinermi akiusooq imaluunniit ullormi qaangiuffianni nalingat, tassa ullormi isumaqatigiissutit atorneqarfiani atorneqaraniluunniit qaangiuffiani. Pisisinnaanermut tunisisinnaanermullu piginnaatitaaffiit assigiinngissutaannaat isumannaarneqartillugu pigisaaq isumaqatigiissummi pineqartoq tunniunneqarnej ajorpoq.

Ullormi qaangiuffiani nalinga naatsorsorneqartassaaq pigisaaq isumaqatigiissummi pineqartup ullormi

qaangiuffimmi nalinginnaasumik niuernermi nalingata aammalu pigisap pisiarineqar-nissaani tunineqarnissaaniluunniit akissaata isumaqatigiissutigineqarsimasut nikingassutaat atorlugu.

Piginnaatitaaffinnut (optioninut) Garantifonden for Danske Optioner og Futures-imit Københavns Fondsbørs-imi tunineqartartunut tunngatillugu iluanaarutit annaasallu piviusunngortitsineq tunngavigalugu naatsorsorneqarlutillu akilerneqartassapput. Nikingassutit akilerneqartassapput, tassa imaappoq pigisap isumaqatigiissummi pineqartoq tunniunneqartassanngilaq.

Call-optioninut (pisisinnaanermut piginnaatitaaffinnut) tunngatillugu pigisap isumaqatigiissummi pineqartup ullormi qaangiuffiani nalingata isumaqatigiissut malillugu nalinga qaangersimappagu, taava nikingassutaat (tunisineri akiusoq) piginnaatitaaffimmik peqartumut pisassanngortinneqassaaq.

Put-optioninut (tunisinnaanermut piginnaatitaaffinnut) tunngatillugu pisisup isumaqatigiissummi pineqartup isumaqatigiissummi nalingata ullormi qaangiuffiani nalinga qaangersimappagu, taava nikingassutaat (tunisineri akiusoq) piginnaatitaaffimmik peqartumut pisassanngortinneqassaaq.

Piginnaatitaaffitsigut iluanaarutit annaasalluunniit naatsorsorneqartassapput piginnaatitaaffiup nalingata (tunisineri akiusup) akiliutaasimasullu (pisisineri akiusup) assigiinngissutaattut.

E. Ilanngaateqarsinnaanerup killiliivigineqarneranut maleruagassat.

26. Imm. 1 naapertorlugu annaasat ukiumi aningaasarsiorfimmi tassanerpiaq iluanaarutinit ilanngaateqarsinnaapput, aammalu akileraartarnermi inatsimmi § 21, imm. 1-imi, 3-mi 4-milu maleruagassat naapertorlugit ilanngaateqarsinnaassallutik.

Ilanngaateqarsinnaassallutik annaasat taamaalillutik ukiumi aningaasarsiorfiusumi tassanerpiaq ukiuniluunniit aningaasarsiorfiusuni kingusinnerusuni allatigut aningaasarsianit ilanngaateqarsinnaanngillat. Ilanngaateqarsinnaassallutik annaasat nuussineq pissaaq maleruagassat nalinginnaasumik atuuttut naapertorlugit, takuuk aalajangersakkat qulaani taaneqartut.

Aningaasanut tunngasunik isumaqatigiissutit pineqartut tamaasa ataatsimoortillugit ilanngaateqarsinnaassallutik annaasat imaluunniit ilanngaateqarsinnaassallutik peereerlugit iluanaarutit naatsorsorneqartassapput.

Taamaattumik piginneqartigiiffiit namminersorlutillu inuussutissarsiuutinik ingerlassaqartut inuussutissarsiornermut atatillugu aningaasanut tunngasunik isumaqatigiissutaasimasutigit iluanaarutit annaasatillu immikkoortillugit nalunaarsussavaat, isumaqatigiissutillu inuussutissarsiornermut attuumassuteqanngitsut aamma immikkoortillugit nalunaarsussallugit.

27. Aningaasanut tunngasunik isumaqatigiissutitigit pineqartutigit iluanaarutit annaasallu immersugassamut immikkut ittumut nalunaarsorneqassapput, taannalu nammineerluni nalunaarsuiffimmu ilanngullugu nassiunneqassalluni. Taamaattumik namminersorlutik inuussutissarsiuutinik ingerlassaqartut piginneqatigiiffiillu immersugassaq taanna immikkut ittoq isumaqatigiissutinut inuussutissarsiornermut attuumassuteqanngitsunuinnaq atortassavaat. Iluanaarutit annaasallu immikkoortillugit angissusilerneqarsinnaapput aammalu §§-ini 55-imiit 59-imit aalajangersakkat naapertorlugit immikkoortillugit naammagittaalliuutigineqarsinnaallutik. Akileraartussaataasup aningaasanut tunngasunik isumaqatigiissutitigit annaasani iluanaarutinilu allatigut nalunaarsorpagit, soorlu naatsorsuutimigut, tamanna akuersarneqarsinnaavoq.

Ilanngaateqarsinnaassallutik annaasat imaluunniit ilanngaateqarsinnaassallutik peereerlugit iluanaarutit, tassa ukiuni siusinnerusuni ilanngaateqarsinnaassallutik peereerlugit

annaasaasimasinnaasut ilanngaatigereerlugit, inunnut tassaapput aningaasarsiat B-t, taakkulu namineerluni nalunaarsuiffimmut nuunneqassapput taamaalillutillu aningaasarsiat akileraaruteqaataasussat naatsorsorneqaranni ilaassallutik. Ilangaateqarsinnaanerulli killiliivigineqarneranik maleruagassat kingunerisaanik ilanngaatissat peereerlugit annaasat nammineerluni nalunaarsuiffimmut nuunneqarsinnaanngillat.

Piginneqatigiiffiit nammineerlutik nalunaarsuiffimmini nalunaarsugassaat tassaapput aningaasarsiat akileraaruteqaataasussat, aningaasanut tunngasunik isumaqatigiissutitigut inuussutissarsiornermut attuumassuteqanngitsutitigut ilanngaatissat peereerlugit iluanaarutitik ilalerlugit, tamatumali akerlianik isumaqatigiissutitigut taamaattutitigut ilanngaatissat peereerlugit annaasat nammineerluni nalunaarsuiffimmut ilanngunneqarsinnaanngillat.

F. Aalajangersakkat atuutilersitsisuusut ikaarsaarutaasullu.

28. Aningaasanut tunngasunik isumaqatigiissutit akileraarusersorneqartarnissaat pillugit maleruagassat isumaqatigiissutinut ullormi 14. oktober 1992-imi kingusinnerusumiluunniit isumaqatigiissutigineqartunut (tassa imaappoq pissarsiarineqartunut, tunniunneqartunut imaluunniit pilersinneqartunut) atuupput. Illua'tungeriit, soorlu A B-lu ulloq 14. oktober 1992 sioqqullugu aningaasanut tunngasunik isumaqatigiissuteqarsimappaata, illua'tungeriillu arlaata, soorlu B-p isumaqatigiissut naapertorlugu piginnaatitaaffini pisussaaffinilu pingajuumut allamut, tassa C-mut ullormi 14. oktober 1992-imi kingusinnerusumiluunniit tunippagit C kisiat maleruagassat nutaat naapertorlugit akileraarusiiffigineqassaaq, taavalu A B-lu maleruagassat maannamut atuuttut naapertorlugit akileraarusiiffigineqassallutik.

29. Isumaqatigiissutit ulloq 14. oktober 1992 sioqqullugu kingoqqullugulu isumaqatigiissutigineqarsimasut akornanni iluanaarutitik annaasanillu ilanngaateqartoqarsinnaanngilaq.

Taamaattumik aningaasanut tunngasunik isumaqatigiissutitigut aalajnagersakkani pineqartutitigut, aammalu ullormi 14. oktober 1992-imi kingusinnerusumiluunniit isumaqatigiissutigineqarsimasutitigut, iluanaarutit annaasallu immikkoortillugit naatsorsorneqassapput aammalu aningaasanut tunngasunik isumaqatigiissutitigut 14. oktober 1992 sioqqassann qullugu isumaqatigiissutaasimasutitigut iluanaarutit aannaasanullu attuumassuteqassanatit.

30. Isumaqatigiissut allannguuteqartinneqarpat isumaqatigiissutaasimagaluartoq piffissami allannguiffiusumi piviusunngortinneqarsimasutut isigineqassaaq, nutaamillu isumaqatigiissusiortoqarsimasutut isumaqarfigineqassalluni. Soorlu taamaattoqarsinnaavoq isumaqatigiissutit sivitorneqarneratigut, imaluunniit nunat allamiut aningaasaat pillugit piffissamut aalajangersimasumut isumaqatigiissutit pioreersup nunat allamiut aningaasaannut allamut allanngortinneqarneratigut. Allannguinerilli taamaallaat isumaqatigiissutit aningaasartaanik appaanerinnarnik kingunillit ilaannakortumik tunisaqarnertut isigineqassapput, taamaattoqarneratigullu isumaqatigiissutit ilaa ingerlatiinnarneqartoq piviusunngortinneqartutut isigineqassanani.

Akileraartussaataaneq ullormi 1. oktober 1992-imi nunat allamiut aningaasaat pillugit piffissamut aalajangersimasumut isumaqatigiissusiorsimappat ullormi 1. januar 1993-imi qaangiuttussamik, taava isumaqatigiissut maleruagassani pineqartunut ilaatinneqassanngilaq. Isumaqatigiissut taaneqartoq assersuutigalugu sivitorneqarpat, sivituinissamillu isumaqatigiissut ullormi 14. oktober 1992-imi kingusinnerusumiluunniit isumaqatigiissutigineqarpat, taava tamanna isumaqatigiissutit nutaatut isigineqassaaq, isumaqatigiissutikkullu nutaakkut iluanaarutit annaasalluunniit maleruagassat nutaat naapertorlugit suliarineqassapput. Isumaqatigiissutikkullu nuntaanngitsukkut ullormi isumaqatigiissutit allanngortinneqarfiani piviusunngortinneqarsimasutut isigineqartukkut iluanaarutit annaasalluunniit maleruagassat ulloq 14. oktober 1992 sioqqullugu atuuttut naapertorlugit suliarineqassallutik.

31. Aningaasaatinik amerliartortitsiniarluni isumaginninnermi, maleruagassat nutaat nutaanngitsulluunniit atorneqarnissaat eqqarsaatigalugu, isumaqatigiissutit ataasiakkaat ullormi sumi isumaqatigiissutaasimanageri aalajangiisuussapput isumaqatigiissut qaqugukkut isumaqatigiissutaasimanagersoq.

Nunat allamiut aningaasaat pillugit ataatsimoorussinikkut assigisaatigulluunniit peqataanermi piffissaq isumaqatigiissutini ataasiakkaani peqataalerluni isumaqatigiissuteqarfiusoq aalajangiisuussaaq maleruagassat "nutaat" "nutaanngitsulluunniit" atorneqassanersut.